

INUIT ATAQATIGIIT

Inatsisartuni



25. oktober 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Aatsitassanut Suliffeqarnermullu Naalakkersuisup ataatsimeeqateqarsimanerup kingorna oqaasii uku: "Ersarissumillu timitalersuinissamut suliniutit assigiinngitsut oqaloqatigiinnermi sammineqarluarput." Ersarissumik suliniutit timitalersorneqartussat eqqartorneqarsimasut suuppat?**

(Inatsisartunut Ilaasortaq Múte Bourup Egede, Inuit Ataqatigiit)

Tunngavilersuut:

Aatsitassanut Suliffeqarnermullu Naalakkersuisup 23.oktober 2019, Amerikamiut Naalakkersuisuisa atorfilittaani Danmarkimilu aallartitaani ataatsimeeqateqareersimanermini imak allaaserisaqarpoq:

"Amerikkamiit aallartitat arlallit aammalu Ambassadør Carla Sands ullumikkut ataatsimeeqatigineqarput. Ersarissumillu timitalersuinissamut suliniutit assigiinngitsut oqaloqatigiinnermi sammineqarluarput."

Issittulerngusaanneq aamma ajoraluartumik sakkulersornikkut annertusarneqartoq mianersorfissarpassuarpoq. Nunallu pissaanilissuit nunatsinnik soqutiginnittorujussuunertik tunngavigalugu neqerooruteqarnissaat nukingerluni aaliangipallaffiginaveersaagassaavoq. Pisariaqartormi tassaavoq isumatusaarnissaq inuiaallu kalaallit soqutigisaasa illersorneqarnissaat. Naalakkersuisullu tigussaasunik suliaqarsimagunik peqataatitsisariaqarput inuiaammi kalaallit siunissaat pineqarpoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.